



SAKSPAPIR

Saksnr	Utval	Type	Dato
26/2018	Levekårsutvalet	PS	24.09.2018

Sakshandsamar	Arkiv	ArkivsakID
Solrun Hauglum	FE - 144, FA - F08	18/1201

RAMMEPLAN FOR VAKSDAL FRIVILLIGSENTRAL

Rådmannen sitt framlegg til vedtak:

Levekårsutvalet ber administrasjonen utarbeida rammeplan for Vaksdal frivilligsentral basert på følgjande:

- Rammeplanen vert utforma i tråd med krava frå «Norges Frivilligsentraler».
- Rammeplanen er i samsvar med hovudoppgåver framheva for denne typen sentralar, og prinsippa uttrykt i denne saka.
- Rammeplanen er overordna og utforma slik at han ikkje treng å reviderast ved mindre endringar i oppgåver og aktivitetar i regi av sentralen.
- Rammeplanen er i samsvar med økonomiske rammer og tilgjengelege ressursar.

Utkast til rammeplan følgjer budsjettbehandlinga og vert lagt fram for Levekårsutvalet på novembermøtet.

Levekårsutvalet - Sak 26/2018

LEV - Behandling:

Samrøystes vedtak.

LEV - Tilråding/Vedtak:

Levekårsutvalet ber administrasjonen utarbeida rammeplan for Vaksdal frivilligsentral basert på følgjande:

- Rammeplanen vert utforma i tråd med krava frå «Norges Frivilligsentraler»
- Rammeplanen er i samsvar med hovudoppgåver framheva for denne typen sentralar, og prinsippa uttrykt i denne saka
- Rammeplanen er overordna og utforma slik at han ikkje treng å reviderast ved mindre endringar i oppgåver og aktivitetar i regi av sentralen
- Rammeplanen er i samsvar med økonomiske rammer og tilgjengelege ressursar

Utkast til rammeplan følger budsjettbehandlinga og vert lagt fram for Levekårsutvalet på novembermøtet.

Kort om saka

Kommunestyret fatta 25.06.2018 vedtak om å delegera drift av Vaksdal frivilligsentral til rådmannen. Endring i organisering skal tidlegast skje frå januar 2019, og for å sikra politisk forankring skulle det utarbeidast ein rammeplan for sentralen i samband med budsjettbehandlinga.

Ein rammeplan skal fastsetja visse hovudtrekk utan å verta for detaljert. Saka er utarbeida som grunnlag for drøfting av hovudtrekka i rammeplan i Levekårsutvalet.

Bakgrunn for saka

Vaksdal frivilligsentral har vore organisert med eige styre som rapporterar direkte til Formannskapet og med godkjende vedtekter som har vore i samsvar med statlege retningslinjer. Ved omlegging av tilskotsordninga til frivilligsentralar i 2016 vart statlege retningslinjer ikkje vidareført, og den statlege tilskotsordninga fall også vekk. Kommunane får no tilført midlar gjennom ordinært inntektssystem og har det fulle ansvaret for drifta. Midlane er ikkje øyremerka, men vil falla vekk dersom kommunen ikkje har frivilligsentral. Tilskotet for Vaksdal er berekna til kr. 392.000 i 2018. Kommunen løyver tilskot i budsjettet, for 2018 er det løyvd kr. 689.205 under felles økonomi rådmannen.

Kommunestyret fatta 25.06.2018 vedtak om å delegera drift av Vaksdal frivilligsentral til rådmannen. Endring i organisering skal tidlegast skje frå januar 2019. Det skal utarbeidast ein rammeplan for sentralen i samband med budsjettbehandlinga.

Formelt grunnlag

Kommunestyrevedtak frå 25.06.2018, sak 41/2018.

Saksopplysningar:

Det er 445 frivilligsentralar i drift i Noreg fordelt på 345 kommunar (frivillig.no, 06.09.2018). Frivilligsentralane er lokale møteplassar for enkeltpersonar, lag/foreiningar og det offentlege som genererar frivillig innsats.

«Norges Frivilligsentraler» er ein medlemsbasert landsdekkande interesseorganisasjon for landet sine frivilligsentralar, og er politisk og livssynsmessig uavhengig.

Frivilligsentralar som vil verta medlem, må innfri følgjande:

- Vera ein lokalt forankra møteplass som vert driven ut frå lokale forutsetningar og behov.
- Initiera, mobilisera og samordna lokal frivillig innsats i eit samarbeid mellom frivillige eldsjeler, lag/foreiningar og det offentlege.
- Vera open for alle, og jobba med å inkludera alle som har lyst til å delta i ulike former for frivillig arbeid.
- Utviklast av menneske som er tilknytt sentralen.

To hovudoppgåver som vert framheva:

1. Stimulera til frivillig arbeid. Rekrutteringsarbeid for å få meir samfunnsdeltaking.
2. Arrangera og stimulera til aktivitet og sosialt samvær.

Når me ser på retningslinjer eller føremål for andre frivilligsentralar, er det gjennomgåande at frivilligsentralen skal vera eit kontaktpunkt eller bindeledd mellom dei som ønskjer å yta frivillig innsats og dei som treng hjelp eller assistanse frå frivillige.

Målsetninga for Vaksdal frivilligsentral i dag:

- Sentralen skal stimulere til økt frivillighet
- Sentralen er en møteplass med mangfold og muligheter
- Sentralen hjelper til med å tilrettelegge, igangsette og markedsføre aktiviteter og frivillig engasjement
- Sentralen skal ha fokus på gode møteplasser, folkehelse, friluftsliv og inkludering
- Sentralen skal være et supplement til offentlige oppgaver og virksomhet.

På heimesida til sentralen er det oversikt over aktivitetar i regi av sentralen: ulike følgjetenester, kursverksemd, aktivitetsvenn for personar med demens, turar i inn- og utland, middagsservering, internasjonale kafédagar, pratevenner/kaffevenner, natteravnar/nattevandrarar, våketeneste, flyktningeguidar, utleige av lokale og møterom.

Vurdering og konsekvensar

Me treng frivillig innsats i samfunnet framover, og aller helst burde me oppnå auka innsats frå frivillige. I Vaksdal ligg det godt til rette for det med mange lag og organisasjonar, og med ei stor og aukande gruppe av dei unge eldre frå 67 – 79 år. Dei er ofte friske og aktive og har ønskje om å bidra. Forsking viser også at å bidra frivillig er positivt både for trivsel, livskvalitet og helse, så det kan virka helsefremjande og trivselsskapande for denne gruppa å yta inn i det frivillige arbeidet.

Vaksdal kommune har utfordringar innan folkehelse, noko som kjem tydeleg fram både i folkehelseprofilane utarbeida årleg av Folkehelseinstituttet og i risikoindeks utarbeida av Fylkeskommunen, samt i andre statistikkar og oversikter.

Det vert varsla om aukande utfordringar fram i tid med å få ressursane til å strekka til, og me merkar alt no at det er gap mellom det som vert etterspurt og forventa av innbyggjarane og det kommunale tenester skal/kan utføra og prioritera. I føreordet til Kommunedelplan helse og omsorg, vedteken av Vaksdal kommunestyre, står følgjande: «Kommunen kan ikkje åleine løysa dei store utfordringane. For å oppnå god folkehelse, trivsel, lite sosiale skilnader og mest mogeleg rett og rettferdig helse- og omsorgsteneste, må alle delta og spela på lag i det som vert eit felles prosjekt. Lukkast me med det kan me nå visjonen Aktivitet, deltaking og meistring heile livet.»

Vaksdalsamfunnet har derfor mykje å vinna på å ha ein aktiv og godt fungerande frivilligsentral som fungerer som bindeledd og kontaktformidlar.

Rådmannen tilrår at rammeplanen for Vaksdal frivilligsentral vert utforma i tråd med krava frå «Norges Frivilligsentraler» og i samsvar med hovudoppgåver som vert framheva for denne typen sentralar. Følgjande prinsipp er gjennomgåande og i samsvar med føresetnadene i Vaksdal kommune sin kommunedelplan for helse- og omsorg:

- Samarbeid med andre aktørar.
- Helsefremjande aktivitetar.
- Innbyggjarar i alle aldrar.
- Spesielle og/eller sårbare grupper T.d. fattige, einsome, flyktningar, innbyggjarar utan

nettverk, einslege foreldre utan nettverk, dei som har vanskar med å delta sosialt.

- Vera eit supplement til dei offentlege tenestene, ikkje eit alternativ til vedtekne eller lovpålagte tenester.
- Bidra inn i og samarbeida med helse og omsorg, men framleis ha hovudtyngda av aktivitetar innanfor helsefremjing og førebygging.
- Vera supplement til etablerte aktivitetar, ikkje konkurrera.
- Hjelp til sjølvhjelp. T.d. kurs og opplæring, hjelp til meistring.
- Vere medvetne på balansen mellom faste aktivitetar og andre arrangement/tilbod.
- Inkluderande, helsefremjande, trivselskapande aktivitetar som bidreg til meistring av livet og auka livskvalitet.
- Rekruttere frivillige
- Rekruttera og motivera til sosial deltaking frå dei som treng assistanse til det
- Verktøy og metodar.
- Krav til og ivaretaking av frivillige. Verdier, etikk, samhandling og kommunikasjon, teieplikt

Rammeplanen bør vera så overordna at han ikkje treng å reviderast ved mindre omfattande endring av oppgåver og aktivitetar i regi av sentralen. Det må også takast omsyn til storleiken på sentralen, økonomiske rammer og tilgjengelege ressursar.